

## 二、對本校電子工程系之評語

### (一)優點：

- 1.師資陣容堅強，教學與研究均富熱忱，與學生之連繫密切。
- 2.課程內容，學理與實驗並重，尤其學生之實驗甚具深度。學習前，需完成一研究專題，對學生甚有裨益。
- 3.設備優良，尤其半導體實驗設備，十分充份。
- 4.畢業生在工業界表現良好。
- 5.圖書及期刊齊全。

### (二)缺點及建議：

- 1.教師研究室嫌擁擠。
- 2.鼓勵教師將研究成果多發表於國際學術刊物或學術會議。
- 3.應增加有關社會及人文科學方面之書籍。

## 母校圖書館獲校友贈書

<u>贈書校友</u>	<u>數量</u>	<u>收到日期</u>
楊寶琛學長	圖書七三六冊 期刊十四種	六十六年八月
胡衛良學長	圖書七十四冊	六十六年九月
孫源裕學長	期刊八種計 一二七八冊	六十六年十月
朱懋麟學長	圖書三十冊	六十六年十月
張葆鈞學長	圖書一冊	六十六年十月
高振華學長	圖書二六二冊	六十六年十月
臺北某學長	圖書六冊	六十六年八—十月

## 泰興于澤侯先生八十壽敘

### — 立軸八幅全文 —

#### 中國無線電協進會

中華文化垂五千年，與時推遷，分合無數，而創鉅痛深，則以近百年為最，去故更新，開來繼往，亦以近百年為最，其間分別部居，人才輩出，為旋乾轉坤之樞紐，治國史者宜能詳之，故不具論。茲就吾交通界衡量，而得一特出之人才焉，即江蘇泰興澤侯于潤生先生是也。泰興位揚子江濱，號魚米之鄉，俗樸民淳，敦厚豁達，滔滔江水，浩浩襟期，蓋先生地利之所資也。先生三世崇尚儒學，曾祖鳳渚公歷任江蘇各縣教諭，為時師尊，祖錫疇公為地方慈善紳董，惠澤廣庇，至今邑人稱之。父底績公歷任縣學務公所及地方自治公職，當肄業南菁書院時，常所交遊，多國內經學知名之士，侍坐侍立，耳濡目染，朝夕翌翌，在抱欽欽，又先生世德之所資也。惜嚴君棄賓客之日，先生才十二齡，賴北堂聖善，母兼父職，順而能正，慈而能嚴，先生遂得由小學而南菁中學，而交通大學，而巴黎高等電氣學校，依次完成其各級課業，舊學植基於內，新知攝取於外，遂成明體達用之才，發為經世濟民之略。民國十三年自法回國，初供職北平政府交通部，國父孫中山先生終於北平，治喪大典委員會邀先生參加宣傳部門工作，利用大眾傳播設備，在停靈處播放國父講演錄音，先聲奪入，羣情震撼，厥後總統蔣公領導北伐之師，順利直搗幽燕，謂非當時廣播深入人心，無以導其先路耶。國民政府成立伊始，交通部與張靜江先生主持之另一建設委員會所屬之無線電管理機構經營隸屬，爭持不下，先生奉令排除障礙，統一管轄，舉凡人事設備，秉公區劃運用，雙方員工合作無間，由是國內國際無線電業務蓬勃發展，始基之固，實先生啓之。民

國十八年，奉派任首都電話管理局局長，首創換裝自動電話，並擴充分枝業務，一洗南京電話不靈流言之誚。民國二十三年，應邀赴開封，任河南電話管理局局長，整理全省長途話線，換裝市內機線，去腐生新，其難殆甚於創始也。旋又奉軍事委員會密令，尅期安放開封柳園口暨洛陽鐵謝口兩處過河水線，未雨綢繆，忘其腴膩，幸能如限完成，奉軍事委員會電令嘉勉。抗日搆興，奉調後方勤務部任職，主持戰區兵站通訊及軍事運輸調度事宜，爾後勝利復員，繼以戡亂，與夫大陸淪陷，政府播遷來臺，凡軍事上每有轉移，運輸悉歸督導，決夷險於俄頃，爭得失於旦夕，水陸各路紛馳，艱難千端萬緒，當事廢寢忘餐，左支右絀，僅乃得濟，又豈紙筆所能一一指陳耶。雖蒙政府迭頒勳獎，說者猶以為未足答先生摩頂放踵之辛勤，前人詩云，公道世間惟白髮，請為先生誦之，堪發一笑也。三十八年奉交通部調回，任郵電司司長，日本人經營五十年之臺灣，野心不戢，自速覆亡，臺灣郵電事業軀壳徒存，精華蕩盡，經先生策劃督導，與時爭勝，百度維新，令業績日彰，比隆歐美，而工作時效，駸駸駕而上之。至為抵制匪播而開放電臺，為促進文化而鼓吹電視，先機獨運，忠藎彌彰，聲教極天，其效更有可觀者矣。人生一世中，長短無百年，無窮在其後，萬世在其前，身壽何如世壽，先賢早垂名言，我中華此一百年之歷史，承先啓後，文質交輝，先生適為其間努力著績之一人，不可謂非茲生之大幸也。綜先生一生律己治事精神，衆所週知者，亦有數端可得而述：一曰自尊而不自大，二曰自謙而不自卑，三曰顧己之權益而絕不忽視他人權益，四曰發揮事業犧牲精神，決不作投機取巧技倆，既還初服，依然本色書生，曠世高懷，蒼然獨立，風雨一杯酒，江山萬里心，過客紛紜，久已心儀其高遠矣。夫人蕙君朱女士為中央大學農學院蠶桑系高材生，主持家事井井有條，照護先生起居，纖細必親必備，內外親眷亦均敬愛有加，雍睦一門，人所競羨。今春三月，先生高齡八十，神明強固，來日方適。本會同人等感舊述德，來託斯文，玟瑩與先生同歲生，雖身之所歷不同，而時之

所遭則一，喜其體之猶健，信其事之可書，故樂述所聞以為壽，先生其以為知言而滿飲一觴乎。是為敘。

中國無線電協進會代表

胡振庸 王庭樑 黃履中

李元華 林翔熊 姚善輝 拜祝

蕭茂如 周紹高 馬國勳

長沙朱玟瑩敬撰並書

中華民國六十六年丁巳三月十八日

編者附言：

交通部前郵電司長于潤生（澤侯）學長，今春八秩華誕，中國無線電協進會特請名作家朱玟瑩先生撰述壽敘祝嘏。玟瑩先生為湖南耆宿，學養兼備，誠篤可信，今以如椽大筆撰書壽文，澤侯老學長畢生從事電信工作，功在國家，其名將益以流傳，更為文大增光也。

于老學長年初偶患輕微中風，尋即痊復，暫留美養頤，子女孝順，天倫歡樂。國內外校友舊識，讀友聲上列壽敘後，對此當年滬校民九級電機系老壽星益增崇敬仰慕之情。

傷 逝 會 潤 琛

定居異域尚浮萍，寂寞情懷幾點星。  
胼手辛勤眉懶畫，迴腸幽怨耳誰聽。  
臨風應念芝蘭綠，望月空思衫鬢青。  
四十年來成一夢，老妻無語倚窗櫺。